

Mesurau ac arian

Blwyddyn 1	Blwyddyn 2	Cyfnod Allweddol 2 - Ystod	Blwyddyn 3	Blwyddyn 4	Blwyddyn 5	Blwyddyn 6
<p>Mesur a threfnu gwrthrychau gan ddefnyddio cymhariaeth union.</p> <p>Defnyddio unedau ansafonol ac offer mesur mewn cyd-destunau ymarferol, e.e. ffyn metr, yggiau litr.</p>	<p>Defnyddio unedau ansafonol a safonol bob dydd i fesur hyd, mäs a chynhwysedd.</p> <p>Defnyddio offer mesur.</p> <p>Gwybod y berthynas rhwng metrau a chentimetrâu, cilogramau a gramau, litrau a millilitrau.</p> <p>Darllen graddfa semi i'r rhaniad agosaf a nodir, gan gynnwys defnyddio pren mesur i'r centimetr agosaf.</p>	<p>Deall a defnyddio mesurau:</p> <p><i>Dewis unedau safonol priodol o hyd, mäs, cyfaint a chynhwysedd, tymheredd, arwynebedd ac amser</i></p> <p><i>Deall y perthnasoedd rhwng unedau, a throsi un uned fetrig i un arall</i></p> <p><i>Gwybod cywerthoedd metrig bras yr unedau imperial sy'n dal i gael eu defnyddio bob dydd</i></p> <p><i>Dehongli rhifau ar raddfeydd a darllen graddfeydd yn fwyfwy manwl gywir; deall a defnyddio graddfa mewn mapiau a lluniadau syml</i></p> <p><i>Llunio a mesur onglau</i></p> <p><i>Darganfod perimedrau siapiau syml; darganfod arwynebeddau a chyfeintiau trwy gyfrif a dulliau ymarferol eraill</i></p>	<p>Defnyddio unedau safonol i fesur hyd, mäs a chynhwysedd.</p> <p>Gwybod y berthynas rhwng cilometrau a metrau, metrau a chentimetrâu, cilogramau a gramau, litrau a millilitrau.</p> <p>Darllen graddfeydd i'r rhaniad agosaf (a nodir neu heb ei nodi), gan gynnwys defnyddio pren mesur i luniadu a mesur llinellau i'r hanner centimetr agosaf.</p>	<p>Defnyddio unedau safonol ar gyfer hyd, cynhwysedd a mäs a defnyddio offer addas i amcangyfrif a mesur.</p> <p>Gwybod a defnyddio'r berthynas rhwng unedau cyfarwydd o hyd, mäs a chynhwysedd ac awgrymu unedau addas.</p> <p>Darllen clorian fesur i'r rhaniad agosaf.</p> <p>Darganfod perimedr siapau, arwynebedd drwy gyfrif sgwariau.</p>	<p>Defnyddio, darllen ac ysgrifennu unedau metrig safonol (km, m, cm, kg, g, l, ml) gan gynnwys eu byrfoddau a'r berthynas rhyngddynt.</p> <p>Trosi unedau mwy yn unedau llai.</p> <p>Darllen clorian fesur rhwng rhaniadau.</p> <p>Cofnodi amcangyfrifon a darlleniadau o glorian gyda mesur addas o gywirdeb.</p> <p>Deall arwynebedd a fesurir mewn centimetrâu sgwâr (cm²); deall a defnyddio'r fformiwla ar ffurf geiriau 'hyd x lled' am arwynebedd petryal.</p> <p>Darganfod cyfaint drwy gyfrif ciwbiau</p>	<p>Dewis a defnyddio unedau ac offer addas, gan ddarllen, gyda'r manwl gywirdeb priodol, rifau ar ystod o offer mesur.</p> <p>Trosi unedau metrig mawr yn unedau llai ac i'r gwrthwyneb.</p> <p>Darllen clorian fesur, gan drosi'r uned yn uned fetrig gywerth.</p> <p>Darllen unedau metrig ac unedau imperial o glorian fesur sy'n dangos y ddwy uned.</p> <p>Cyfrifo perimedr ac arwynebedd siapiau cyfansawdd syml y gellir eu rhannu'n betryalau.</p>
<p>Gwybod bod wythnos yn hafal i 7 dydd a bod dydd yn hafal i 24 awr.</p> <p>Gwybod dyddiau'r wythnos.</p> <p>Rhoi digwyddiadau yn eu trefn.</p> <p>Darllen yr amser i'r awr a'r hanner awr ar gloc analog.</p> <p>Gwneud amcangyfrifon a'u gwirio, gan ddefnyddio amseryddion syml.</p>	<p>Gwybod bod awr yn hafal i 60 o funudau a bod 1 funud yn hafal i 60 o eiliadau.</p> <p>Gwybod misoedd a thymhorau'r flwyddyn.</p> <p>Darllen yr amser i'r hanner neu chwarter awr ar gloc analog a chloc digidol.</p>	<p><i>Darllen yr amser ar glocliau analog a digidol; defnyddio amserlenni a throsi rhwng cloc 12 a 24 awr; cyfrifo gwahaniaeth amser</i></p>	<p>Gwybod bod blwyddyn yn hafal i 365 o ddyddiau neu 52 wythnos neu 12 mis.</p> <p>Ysgrifennu dyddiadau'n gywir.</p> <p>Darllen yr amser i'r pum munud agosaf ar glocliau analog a chlocliau digidol.</p> <p>Defnyddio amseryddion syml mewn sefyllfaoedd ymarferol.</p>	<p>Gwybod bod mileniwm yn hafal i 1000 o flynyddoedd a bod canrif yn hafal i gan mlynedd.</p> <p>Darllen calendrau ac amserlenni.</p> <p>Darllen yr amser (analog i'r funud agosaf a 12 awr ar gloc digidol).</p> <p>Defnyddio am/pm a nodiant digidol.</p> <p>Amcangyfrif/gwirio amseroedd gan ddefnyddio eiliadau, munudau ac oriau.</p>	<p>Gwybod bod degawd yn hafal i 10 mlynedd, bod blwyddyn naid yn hafal i 366 o ddyddiau.</p> <p>Darllen a defnyddio amserlenni.</p> <p>Darllen i'r funud agosaf ar gloc digidol 24 awr.</p> <p>Defnyddio clocliau, calendrau ac amserlenni i ddatrys problemau geiriau sy'n ymwneud ag amser.</p>	<p>Darllen siartiau amser y byd.</p> <p>Deall yr amseroedd gwahanol o gwmpas y byd.</p> <p>Datrys problemau geiriau sy'n ymwneud ag amser.</p>
<p>Byddant yn ymwybodol o werthoedd gwahanol ddarnau arian.</p> <p>Darganfod cyfansymiau a rhoi newid i 10c</p> <p>Datrys problemau gan ddefnyddio arian mewn cyd-destunau ymarferol.</p>	<p>Cyfnewid darnau arian am ddarnau o'r un gwerth.</p> <p>Darganfod cyfansymiau a rhoi newid o luosrifau o 10c.</p> <p>Dechrau defnyddio nodiant £.c.</p> <p>Defnyddio strategaethau pen i ddatrys problemau arian.</p>	<p>Deall a defnyddio arian:</p> <p><i>Gwybod a defnyddio'r dull confensiynol o gofnodi arian</i></p> <p><i>Darganfod atebion bras i'r pedwar gweithrediad, a'u defnyddio i ddatrys problemau sy'n ymwneud ag arian.</i></p> <p><i>Deall dangosydd cyfrifiannell mewn perthynas ag arian, e.e. bod dangosydd 21.4 (punt) yn golygu £21.40</i></p> <p><i>Bod yn ymwybodol o arian cyfred arall.</i></p>	<p>Adnabod gwerth papurau £5, £10 ac £20.</p> <p>Darganfod cyfansymiau a rhoi newid o £1.</p> <p>Defnyddio nodiant degol wrth gofnodi arian.</p> <p>Datrys problemau geiriau syml sy'n ymwneud ag arian.</p>	<p>Trosi punnoedd yn geiniogau ac i'r gwrthwyneb.</p> <p>Defnyddio pedair gweithred i ddatrys problemau sy'n ymwneud ag arian.</p>	<p>Trosi arian cyfred tramor.</p> <p>Darganfod cyfansymiau a rhoi newid o £100.</p> <p>Defnyddio pedair gweithred i ddatrys problemau dau gam sy'n ymwneud ag arian</p>	<p>Gwneud trosiadau syml o bunnoedd i arian cyfred tramor.</p> <p>Cyfrifo canrannau a ffracsïynau arian syml</p>